

顯密圓通成佛心要集



唵

折疑主疑

像

薩

菩

提

准

者

唵

唵齒



准提婆娑訶部林

米

大

准提本銘

供養者免一家瘟疫災禍頂戴者保一身福壽康寧誦咒者消業障百利事順

大明萬曆乙亥秋七月之吉刊

顯密圓成佛心要集序



宣政殿學士金紫崇祿大夫行給事中知武定

軍節度使事上護軍穎川郡開國公食邑三千

戶 同 修 國 史 陳覺 撰

昔如來居出世之尊。垂化人之道。闡揚大教。誘掖群
迷。開種種之門。方便雖陳於萬法。入圓圓之海。旨趣
皆歸於一乘。然而顯教密宗。該性含相。顯之義。派分
五教。摠名素怛覽。密之部。囊括三藏。獨號陀羅尼。習
顯教者。且以空有禪律而自違。不盡究竟之圓理。學

密部者。但以壇印字聲而爲法。未知祕奧之神宗。遂使顯教密教。矛盾而相攻。性宗相宗。鑿枘而難入。互成非毀。謗議之心生焉。竟執邊隅。圓通之性。懵矣。向匪至智。孰融異端。事必有成人。能弘道。今顯密圓通法師者。時推英悟。天假辯聰。髻齒禮於名師。十五歷於學肆。參禪訪道。博達多聞。內精五教之宗。外善百家之奧。利名不涿。愛惡非交。既而馱處都城。肆志巖壑。積累載之勤悴。窮大藏之淵源。撮樞要而誠誦。在心。剖義理而若指諸掌。以謂所閱大小之教。不出顯

密之兩途。皆證聖之要津。入真之妙道。覽其文體。則異猶盤盂。自列於方圓。歸乎正理。則同若器室。咸資於無有。而學者妄生異議。昧此通方。因是錯綜靈編。纂集心要。文成一卷。理盡萬途。會四教。摠歸於圓宗。收五密。咸入於獨部。和乳酪之味。都作醍醐。采雲霞之滋。並爲甘露。誠諸佛之會要。爲後人之指南。使披覽者。似獲隨意之珠。所求皆遂。遵依者。如喰善見之果。無疾不瘳。覺學愧荒虛。鮮非華麗。曾因暇日。得造吾師。每親揮塵之談。頗廣窺斑之見。屬當傳世。爰託

撰文素慙舒理之能。聊著冠篇之引。

顯密圓通成佛心要集卷上

五臺山金河寺沙門道殿集

大明代藩分封蒲坂山陰王元峯道人朱俊柵校

賜進士知蒲州事分寧鳳隅山人陳以朝訂

原夫如來一代教海。雖文言浩汗。理趣淵冲。而顯之
與密。統盡無遺。顯謂諸乘經律論是也。密謂諸部陀
羅尼是也。爰自摩騰入漢。三藏漸布於支那。無畏來
唐。五密盛興於華夏。九流共仰。七衆同遵。法無是非
之言。人析修證之路。暨經年遠。誤見彌多。或習顯教。

輕誣密部之宗。或專密言。昧黷顯教之趣。或攻名相。鮮知入道之門。或學字聲。罕識持明之軌。遂使甚深。觀行。變作名言。秘密神宗。翻成音韻。今迺不揆瑣才。雙依顯密二宗。略示成佛心要。庶望將來。悉得圓通。故依教理。略啓四門。一顯教心要。二密教心要。三顯密雙辯。四慶遇述懷。

已上四段之中。爲避文繁。或暗用聖教。或義引經文。覽者應知。

且初顯教心要者。謂賢首清涼共判如來一代時教。而有五種。一小乘教。謂阿含等六百餘卷經。婆沙等六百餘卷論。說一切法。從因緣生。明三界不安。了人空真理。修自利之行。忻小乘之果。二大乘始教。有二。一法相宗。謂深密佛地等數十本經。瑜伽唯識等數百卷論。說一切法。皆是唯識。了二空真理。修六度萬行。趣大乘佛果。於中多談法相之義。二無相宗。謂諸部般若等千餘卷經。中百門等數本論文。說一切法。本來是空。無始迷情。妄認爲有。欲證菩提。以爲所得。修習萬行。於中多談無相空義。斯之兩宗。皆是大乘。

初門故名曰始。始者初也。三一乘終教。謂法華涅槃等四十餘部經。寶性佛性等十餘部論。說一切衆生皆有佛性。從本已來。靈明不昧。了了常知。無始迷倒。不自覺悟。欲成佛果。須先了悟自家佛性。後方稱性修習。本有無量妙行。多談法性。是大乘盡理之教。故名曰終。終者盡也。四一乘頓教。謂楞伽思益經文達磨所傳禪宗。說一切妄相本空。真心本淨。元無煩惱。本是菩提。唯談真性。不依位次成佛。故名曰頓。五不思議乘圓教。謂華嚴一經十地一論。全說毗盧法界普賢行海。於中所有若事若理。若因若果。一具一切。重重無盡。摠含諸教。無法不收。稱性自在。無障無礙。迥殊偏說。故名爲圓。此之五教。前前者是淺。是權。後後者是深。是實。若以圓教望之。前四皆是應根權施設也。

今且據對待而論。言前四是權圓教爲實。若定執圓教爲實。缺前四教。亦非圓暢。若五教俱傳。偏圓共讚。這根方足。已下爲圓教。中具含前教行門。故不別說。

今依圓教修行略分爲二。初悟毗盧法界。後修普賢行海。且初悟毗盧法界者。謂華嚴經所說一真無障礙法界。或名一心。於中本具三世間。

一器世間。謂一切國土。二衆生世間。謂一切有情。三智正覺世間。謂一切聖人。

四法界

一事法界。二理法界。三事理無礙法界。四事事無礙法界。

一切深淨諸法。未有一法出此法界。此是一切凡夫。

聖人根本之真心也。

亦是根本之真身。

汎言真心而有二種。一同教真心。二別教真心。於同教中復有二種。一終教真心。二頓教真心。且初終教真心者。故首楞嚴經云。當知虛空生汝心內。猶如片雲點太清裏。況諸世界在虛空耶。

自家真心。猶如太清之天。十方虛空。喻似一片之雲。即知真心極大。虛空極小。虛空比於真心。尚尠極小。況諸世界在虛空中耶。

又云空生大覺中如海一漚發有漏微塵國皆依空所生

大海即是真心異名。真心廣大猶如大海。虛空微小似一浮漚。況諸國土皆依虛空生耶。若比真心即是小中之小。

又云真心徧圓含裹十方。反觀父母所生之身如彼十方虛空之內。吹一微塵若存若亡。又云不知色身外洎山河虛空大地咸是妙明真心中物。又云一切世間諸所有物皆即菩提妙明真心。

既言皆即菩提妙明真心。非是世間諸法在真心內。別有其體。即知盡法界所有虛空大地。情與非情全是一味妙明真心。凝然清淨。不增不減。

一切衆生從無始來迷却此心。妄認四大爲身。緣慮爲心。譬如百千箇澄清大海。不認但認一小浮漚。

若了四大之身緣慮之心。緣生無性。全是真心。如了浮漚緣生無體。全是海水。近有儒生罕覽佛經。聞斯廣大真心。懵然未信。余尋諭云。此是

如來親說。但是自心迷倒不見。安得不信。且如俗書莊子云。北溟有魚。其名爲鯤。鯤之大不知其幾千里。化而爲鳥。其名爲鵬。鵬之背不知其幾千里。怒而飛。其翼若垂天之雲。將徙於南冥。水擊三千里。搏扶搖而上者九萬里。列子云。世豈知有此物哉。大禹行而見之。伯益知而名之。夷堅聞而志之。不可爲自目不親覩。亦不信有此物耶。俗書所說有相物情尚尔。何況如來所說無相真心也。寶性論云。聲居者不知宇宙之

通泰是也

後頓教真心者。謂絕待一心。彌滿清淨。中不容他。一切妄相。本來是無。絕待真心。本來清淨。華嚴經云。法性本空寂。無取亦無見。性空即是佛。不可得思量。起信論云。一切諸法從本已來離言說相。離名字相。離心緣相。畢竟平等。無有變易。不可破壞。唯是一心。故名真如。謂前終教隨衆生迷。說有色身山河虛空地世間諸法。令諸衆生翻妄歸真。了達色身山河虛空大地世間諸法。全是一味妙明真心。今頓教中本

無色身山河虛空大地世間諸法本是一味絕待真心。故清涼云。揔不說法相。唯辯真性。即知周徧法界本是一味絕待真心。寂然清淨。不生不滅。不增不減。欲要易解。周徧法界。喻似一顆瑩淨圓珠。朗然清淨。無影無像。無內無外。清涼云。照體獨立。物我一如。達磨云。我法以心傳心。不立文字。即傳此心。曹溪云。明鏡本清淨。何假拂塵埃。亦是此心也。一切衆生。從無始來。不了此心。妄見諸相。猶如眼病。橫見空華。圓覺經云。妄認四大爲身相。六塵緣影爲自心相。譬彼病

目見空中華

若了真心。本無諸相。如虛空中本無諸華。圓覺經云。如來因地修圓覺者。知是空華。即無流轉。亦無身心受彼生死。非作故無。本性無故。今頓教中空華之喻。甚爲切要。今時緇素宗禪者。極廣洎乎開示此心。多不入神。如葉公好龍。真龍現前。愕然不顧。若未悟此心。非是真禪。是故欲修禪行。先須了悟此一心也。

二別教真心者。謂一真無障礙大法界心。含三世間

具四法界全。此全彼而無障礙。即知包羅法界圓裹十方。全是一真大法界心。於此一真大法界內所有。若凡若聖。若理若事。隨舉一法。亦皆全是大法界心。乃至唯舉一塵。亦皆全是大法界心。華嚴經云。華藏世界所有塵。一一塵中見法界。又一塵既是大法界心。於此一塵大法界內。復舉一塵。亦皆全是大法界心。若橫若堅。重重舉之。重重皆是。大法界心。故清涼大師於華嚴十地品。疏說。帝網無盡一心也。一切衆生。從無始來。迷妄不知。無盡法界。是自身心。於中本

具帝網無盡色心功德。即與毗盧遮那身心齊等。却將自家無障無礙佛之身心。顛倒執爲雜染衆生。譬如金輪聖王。統四天下。身智具足。富樂無比。忽然昏睡。夢爲蟻子。於夢位中。但認已爲蟻子。不覺本是輪王。

無盡法界之佛。世喻難況。今但喻迷真執妄之義。智者應知。

是故欲求成就究竟佛果。切須悟此毗盧法界。若未悟此法界。縱經多劫修習萬行。徒自勞苦。不得名爲

真實菩薩亦不能生如來家。故華嚴經云。不了於自心。云何知正道。彼由顛倒慧增長一切惡。清涼云。不依此悟所作非真。自爲修行。元來結業。

此無盡法界一心。人罕能知。知亦寡信。信亦鮮解。解亦難臻。此境是以多劫菩薩不信不解。上首聲聞如盲如聾。其有宿熏圓根。宜此駐意。若能信悟在懷。當日生於佛家。恐人難信。今舉例況之。如法苑珠林說有一術人路行。見一人擔檐上有籠子。可受升餘。告擔人云。我步行疲極。

欲寄君籠子內。願相許耳。檐人慮是狂人。便語云。任君入耳。乃跳入籠子中。籠子非大。術人非小。擔之而行。也不覺重。行數十里。擔人於一樹下住食。乃呼術人共食。術人云。我自有飲食。擔人視之。見籠中有種種器物飲食。告擔人云。我欲與婦共食。即口中吐出一女子。容貌甚美。二人共食。食已。其夫便睡。婦告擔人。我有外夫。欲來共食。夫若覺時。君勿道之。婦便口中出一丈夫共食。三人籠中全不逼窄。良久。其夫身動欲

覺其外夫告擔人云。且去。其婦即置外夫于口中。器物飲食亦置口中。其夫覺已。復置婦在口中。云云。此是世間小術。尚尔重重相容而無障礙。豈況毗盧無障礙法界耶。應須諦而信之。思而解之。勿要高推聖境。虛度一生者哉。

後修普賢行海者。既得了悟無障礙法界於自本心。於中本具十華藏世界微塵數相好帝網無盡神通功德與十方諸佛更無差別。柰無始局執妄情習以性成。卒難頓盡。致令自家神通功德不能盡得自在受用。故須稱自家毗盧法界。修本有普賢行海。令無盡功用。疾得現前。華嚴經云。修此法者。少作功力。疾得菩提。雖普賢行海。浩汗無涯。

一藏教中所說行門。皆是華嚴普賢之行。但應權淺根。宜支流出也。

今就觀行略示五門。一諸法如夢幻觀。二真如絕相觀。三事理無礙觀。四帝網無盡觀。五無障礙法界觀。且初諸法如夢幻觀者。

即當事法界觀。

謂常觀一切深淨諸法全體不實。譬如夢幻。此能觀智亦如夢幻。華嚴經云。譬如夢中見種種諸異相。世間亦如是。與夢無差別。又云。度脫諸衆生。令知法如幻。衆生不異幻了。幻無衆生。又金剛經云。一切有爲法。如夢幻泡影。如露亦如電。應作如是觀。肇公云。虛兮妄兮。三界不實。夢兮幻兮。六道無物。一切衆生。從無始來。執一切法而爲實。有致使起惑造業。循環六道。若常想一切名利怨親。三界六道全體不實。譬如夢幻。則愛惡自然淡薄。悲智自然增明。

此夢幻觀。圓覺疏中名起幻消塵觀。天台名假觀。亦名方便隨緣止。謂分明鑒照曰觀。寂然不亂曰止。即觀中便有止。止中便具觀。乃止觀雙運也。餘諸止觀。准此解之。若人雖信解圓教。而煩惱厚重。不能習得此夢幻觀者。應作不淨觀。謂觀身五種不淨。一種子不淨。謂父精母血。赤白二色和合成。故智度論云。是身種不淨。非餘妙寶物。不由白淨生。但從穢道出。二住處不淨。謂在母腹中生藏之下。熟藏之上。不淨流溢汗。

穢充滿彼中住故。又海山云。不淨乃作衣裝。汗穢便爲飲食。三自體不淨。謂三十六物皆是不淨。共和合故。言三十六者。外有十二。髮毛爪齒垢汗。大小二遺。眇淚涕唾。次有十二。皮膚血肉。肪膈。腦膜骨髓筋脉。中有十二。心肝膽肺脾腎。腸胃。生藏執藏。赤痰白痰。即知從頂至足皆是。不淨。永嘉師云。革囊盛糞。膿血之聚。不淨流溢。蟲蛆住處。鮑肆廁孔。亦所不及。四自相不淨。謂九竅常流諸穢。惡故。言九竅者。兩耳出垢。兩眼

出眇淚。兩鼻出膿涕。口出涎唾。大便道出屎。小便道出尿。智度論云。種種不淨物。充滿於身中。常流出不淨。如漏囊盛物。五究竟不淨。謂命終身壞。胙脹臭穢。膿流蛆分。不堪近故。天台云。從足至頭。從頭至足。循身觀察。唯見胙脹壞爛。大小便道。蟲膿流出。臭劇死狗。心地觀經云。應觀自身臭穢不淨。猶如死狗。金光明經云。我從久來。恃此身臭穢膿流。不可愛。雖常供養。懷怨害。終歸棄我。不知恩。觀自身竟。復觀他人。若男若

女所有之身。皆具五種不淨。乃至觀一切世間。有情之身。皆是不淨。故起信論云。應觀世間一切有身。悉皆不淨。種種穢汙。無一可樂。既觀皆是不淨。貪愛之心。自然不起。阿含經說。昔有國王。嗜欲無厭。有一比丘。以偈諫曰。目爲眇。淚窟。鼻是穢涕囊。口爲涎唾器。腹是屎尿倉。但王無慧目。爲色所耽。荒貧道見之惡。出家修道場。天台云。雖觀不淨。能成大事。如海中屍。依之得度。或作骨瑣觀。應先觀想自身額上。皮肉爛墜。唯

見白骨。漸漸從狹至寬。想於一頭皮肉爛墜。見於白骨。乃至全身皆見白骨。既見自身一具骨。瓊分明現已。復觀餘人爛墜。亦亦觀第二具已。漸次觀於一房。一寺。一城。一國。乃至遍地。以海爲邊。骨瓊充滿。爲令觀心增長。復却從寬至狹。漸略而觀。唯見一國。皆是骨瓊。漸見一城。一寺。一房。一具。又於一具中。乃至漸漸唯見眉間少許白骨。見眉間已。專注一緣。湛然而注。如是修習。乃至得定。此觀成就。一切貪愛自然消亡。或

作數息觀。應從淺至深。次第修進。先須調和自
家氣息。不澁不滑。專注一心。數出入息。先數入
息。後數出息。從一至十。終而復始。想心在數。不
令散亂。若覺自心不假功力。任運從一至十。住
數息中。然更一心隨息出入。若息入時。心乃隨
之。從鼻至喉。從喉至心。膈臆髀脛。乃至脚指。若
息出時。心亦隨之。息出離身。爲至一磔一尋等。
一心恒隨息之出入。若覺心息任運相依。然更
繫念唯在眉間。或在鼻端。安止其心。觀息住身。

如珠中縷。爲冷爲暖。爲損爲益。若覺身湛湛然。
悅樂然。更諦觀微細之息。及觀全身三十六物。
內外不淨。又觀心識刹那不住。如是修習覺息
出入。遍諸毛孔。心眼開明。徹見身內三十六物。
及諸蟲戶。方更轉修其餘行門。更有別說。恐繁
且止。如經中說。觀出入息。三世諸佛。入道之初。
門也。或作我空觀。應須作意推尋。今此之身。本
來無我。但是色心二法。和合爲相。色有地水火
風之四類。所謂毛髮爪齒皮肉筋骨髓腦垢色。

皆是其地。涕唾膿血津液涎沫痰淚精氣大小
便利皆是其水。暖是其火。動轉是風。心有受想
行識之四類。所謂領納是受。取像是想。造作是
行了。別是識。於此八類。何者是我。若皆是我。即
有八我。又況色身復有三百六十段。骨段段各
別。皮毛筋肉肝心脾腎各不同。是諸心數等亦
各不同。見不是聞。喜不是怒。既有此衆多之物
不知定取何者爲我。若皆是我。我即百千一身
之中。多生紛亂。離此之外。復無別法。翻覆推我
皆不可得。便知此身。但是衆緣假和合相。本來
無我。行者晝夜恒作此觀。甚妙。爲一切衆生從
無始來。執身爲我。因寶此我。貪求名利。欲榮益
我。嗔違情境。恐侵損我。愚癡之情。非理計校。今
旣常觀此身。本來無我。即三塗自滅。三塗旣滅。
三界自離也。或作法空觀。應須諦觀此身。色心
二法。色有地水火風。心有受想行識。於此八法
一一諦觀。皆從緣生。都無自性。八法當體皆是
空也。初心行者。宜習此等觀門。隨心所樂。或一

或二乃至五種皆得修習。心觀法門唯貴修鍊。鍊之有味說之言淡也。

二真如絕相觀者

即當理法界觀

於中安心復有三門。一者常觀遍法界。唯是一味清淨真如。本無差別事相。此能觀智亦是一味真如。華嚴經云。一切法無生。一切法無滅。若能如是解。諸佛常現前。又七祖禪師云。無念。念者即念真如。六祖釋無念云。無者無諸相。念者念真如。此乃想念諸法。全是真如。雖然想念。本無想念之相。故起信論云。雖念無有能念。可念。

此中所想真如。即是前頓教中所說絕待真心也。此門行者常想一切諸法。唯是一味清淨真如。本無生滅。是名真如。三昧亦名一行三昧。亦名無生三昧。

二者若念起時。但起覺心。故七祖云。念起即覺。覺之即無。修行妙門。唯在於此。即此覺心。便名為觀。此亦雖起覺心。本無起覺之相。

此門行者。一切時中心念若起。但起覺心。便是
修行要妙之門。

三者擬心。即差。動念便乖。但棲心無寄。理自玄會。故
華嚴經云。法性本空寂。無取亦無見。性空即是佛。不
可得思量。又古德云。實相言思斷。真如絕見聞。此是
安心處。異學徒云云。此但任其本性自照。更不起新
生慧解。故圓覺經云。但諸菩薩及末世衆生。居一切
時。不起妄念。於諸妄心。亦不息滅。住妄想境。不加了
知。於無了知。不辯真實。又賢首云。若起心作凡行。聖
行。非是真行。不作一切行。行心無寄。是名大行。此門
即以本性自照名觀。

此門行者。一切時中心無所寄。是名真修。雖然
備修萬行。於萬行中心無所寄。又禪宗東夏七
代祖師所傳心要。而有三門。攝盡無遺。一見性
門。先須了悟。絕待真心。一切妄相。本無真心。本
淨。即心是佛。非假外求。即前頓教。一心是也。二
安心門。如上所說。想念真如等三門是也。三發
行門。須備修菩薩六度萬行。具依三門。即是正

禪隨闕一門。便成偏見。達磨云。我法以心傳心。不立文字。此心是一切衆生清淨本覺。亦名佛性。欲求佛道。須悟此心。即是見性門。又云。如是安心。所謂壁觀。令修道人。心住真理。寂然無爲。喻似牆壁。不起分別。即是安心門。又云。如是發行。所謂四行。一報怨行。謂修道人。若受苦時。當自念言。我從往昔無數劫中。棄本逐末。流浪諸趣。多起怨憎。違害無限。今雖無犯。是我宿怨惡業果熟。非天非人所能見。與其甘心忍受。都無怨

訴。經云。逢苦不憂。何以故。識達故。二隨緣行。謂修道人。若得勝報。榮譽等事。當自念言。一切諸法。皆從緣生。是我過去修因所感。今方得之。緣盡還無。何喜之有。得失隨緣。心無增減。喜風不動。嗔風不生。三無所求行。世人長迷。處處貪著名之爲求。智者悟真理。將俗及三界九居。猶如火宅。有身皆苦。誰得而安。於三界內。無所願樂。經云。有求皆苦。無求乃樂。四稱法行。謂性淨真理。自之爲法。而此理性。本無慳等一切萬惡。應

稱理性修布施等一切萬善。斯之四行。即是發行門。又草堂禪師圓覺疏中。亦有三門。大同於此。一先悟圓覺性。謂一味清淨真心。二次發菩提心。謂大悲大智大願。三後修菩薩行。謂六度萬行等法。斯之三門。禪學之者。甚爲切要。若不圓修三門。無由離諸邪見。謂古來禪宗諸家語錄多分。但應當時根宜。或唯說見性。或但言安心。或只談發行。又於安心發行中。復各有多途。或但明一途等云云。今此諸門。心若通達。然後

披覽諸家禪教。乃各知其旨歸。

三事理無礙觀者

即當事理無礙法界觀

謂常觀一切染淨事法。緣生無性。全是真理。真理全是一切染淨事法。如觀波全是濕。濕全是波。故起信論云。雖念諸法自性不生。而復即念因緣和合善惡之業。苦樂等報。不失不壞。

理不礙事也。如濕性雖一。不礙波浪成多。

雖念因緣善惡業報。而亦即念性不可得。

事不礙理也。如波浪雖多。不礙全是濕性。若習假空中三觀者。謂想一切諸法緣生無性。舉體全空。即是空觀。如觀鏡中像。全無實體。若想一切諸法雖有不實。皆如夢幻。即是假觀。如觀鏡中像。有而不實。若想一切諸法全是一味妙明真心。如前終教所明廣大真心是也。即是中觀。如觀明鏡。此之三觀。或單修一門。或漸次俱修。或一時齊修。任器取捨。

四帝網無盡觀者

即當事事無礙法界觀

於中略示五門。一禮敬門。二供養門。三懺悔門。四發願門。五持誦門。初禮敬門者。謂想盡虛空遍法界塵塵刹刹。帝網無盡三寶。前各有帝網無盡自身。每一身各禮。帝網無盡三寶。每一三寶前各有自家。帝網無盡身禮。更想此一門盡未來際。無有休歇。念念相續。無有間斷。身語意業。無有疲厭。

或坐中作此觀想。或晨昏禮佛。暫時斂念。入此觀門。功德無盡。清涼云。不入此觀。徒自疲勞。或

且入純門。想遍法界。純是毗盧佛。或准提等。每一尊前。且想一身禮。更若難入。且想十尊佛。每一尊前。有一身禮。習之稍熟。漸增百尊千尊。乃至無盡。下准此門習之。

二供養門。想盡虛空遍法界。塵塵刹刹。帝網無盡。三寶前各有帝網無盡。自身每一一身。各出帝網無盡。供具所謂香華燈燭。衣服飲食。幢幡傘蓋。瓔珞雲樓閣雲等。每一一身所出供具。各供養帝網無盡。三寶每一一三寶前。有帝網無盡。身供養。更想此一門盡。

未來際。無有休歇。念念相續。無有間斷。身語意業。無有疲厭。

或坐中想此供養。或佛前燒香奉華時。暫入此觀。或無香華。但合掌入此觀門。功德亦無窮盡。

三懺悔門。想盡虛空遍法界。塵塵刹刹。帝網無盡。三寶前各有帝網無盡。身每一一身。盡皆志誠懺悔。帝網無盡。罪障。所謂自從無始。迄至今身。所造五逆十惡等罪。煩惱所知等障。每一一身懺悔。帝網無盡。罪障。每一一罪障。有帝網無盡。身懺悔。惣想此一門盡。

未來際無有休歇。念念相續無有間斷。身語意業無有疲歇。

或坐中想此懺悔。或佛前懺悔時作此觀門。

四發願門。想盡虛空遍法界。塵塵刹刹。帝網無盡。三寶前各有帝網無盡。身每一身各發帝網無盡。願所謂無邊衆生誓願度。無邊煩惱誓願斷。無邊佛法誓願學。無邊福智誓願集。無上菩提誓願成。并自心所樂善願盡。摠發之。每一身發帝網無盡。願每一願有帝網無盡。身發摠想此一門盡。未來際無有

休歇。念念相續無有間斷。身語意業無有疲歇。

或坐中念鍊。或佛前發願時作此觀想。

五持誦門。想盡虛空遍法界。塵塵刹刹。帝網無盡。三寶前各有帝網無盡。身每一身各持帝網無盡。真言教法諸佛菩薩名號。每一真言教法諸佛菩薩名號有帝網無盡。身持摠想此一門盡。未來際無有休歇。念念相續無有間斷。身語意業無有疲歇。

或持課誦經等時。先作此觀想。竟然後持誦甚妙。上之五門既介。其餘行門准此習之。若習相

即觀者而有四句。一者一即一。謂觀一毛即一
 耳時。一耳同時却即一毛。二者一切即一。三者
 一即一切。此兩句應合而觀之。謂觀一切塵即
 一佛時。一佛同時却即一切塵。四者一切即一
 切。謂觀一切人即一切佛時。一切佛同時却即
 一切人。每句之中。一切諸法例准觀之。若習相
 入觀者。亦有四句。一者一攝一。帶之入一。謂觀
 一人攝一佛。帶之將入一菩薩中。如東鏡攝南
 鏡。帶之將入西鏡中。二者一攝一切。帶之入一。
 謂觀一花攝一切河。帶之將入一山中。三者一
 切攝一。帶之入一切。謂觀一切塵攝一佛。帶之
 將入一切毛中。四者一切攝一切。帶之入一切。
 謂觀一切樹攝一切神。帶之將入一切海中。每
 句之中。一切諸法例准觀之。此相即相入。二觀
 隨觀。每句之中。復有摠觀別觀。等多黏觀心。恐
 繁不示。但專心修鍊。自然曉達。故裴公法界觀
 序云。但使學人冥此境於自心。心慧既明。自見
 無盡之義。不在備通教典。碎列科段。若習同時

謂觀一花攝一切河。帶之將入一山中。三者一
 切攝一。帶之入一切。謂觀一切塵攝一佛。帶之
 將入一切毛中。四者一切攝一切。帶之入一切。
 謂觀一切樹攝一切神。帶之將入一切海中。每
 句之中。一切諸法例准觀之。此相即相入。二觀
 隨觀。每句之中。復有摠觀別觀。等多黏觀心。恐
 繁不示。但專心修鍊。自然曉達。故裴公法界觀
 序云。但使學人冥此境於自心。心慧既明。自見
 無盡之義。不在備通教典。碎列科段。若習同時

具足相應觀者。謂隨觀一法。同時具足法界諸法也。其餘玄門。例此解之。若有樂習圓宗三觀三止者。謂行者觀一人時。便成三觀三止。且就一人之身。具明三諦。人身假相有故。名俗諦。人身緣生無性。色體空故。名真諦。人身假相無別自性。舉體全是寂照真理。名中道諦。然此三諦體用無礙。空有相融。即一而三。即三而一。法本如是。依此三諦。行者觀察成三觀三止。謂行者心觀人身假相。幻有名假觀。即此觀心了假相時。離實有執。名方便。隨緣止。又觀人身色體全空。名爲空觀。即此觀心了色空時。離於色體實有之執。名體真止。又觀人身舉體全是中道實性。名中道觀。即此觀心離相有執。及離體空執。名遠離二邊分別止。如是觀心於一念中。齊見三諦。義立三觀。離三種執。義立三止。三觀三止。只是一心。即一常六。即六常一。將此一心契同所觀三諦。體用空有無礙之境。心境常融。復常歷然。既觀一人之身。而成三觀三止。觀一切法。

例皆如是問曰。夫大行統唯無念。何以此帝網相即等觀。令人起無盡想念。豈不疲役身心耶。答云。若此見者。是離念外求無念者。尚未得於真無念。真無念者。念本無無。何能更得念與無念之無礙。又若得真無念。但是無盡行中之一行。豈得摠遮無盡之圓行耶。此問答意。出華嚴大疏。若不習帝網相即等觀。終不能得無礙佛果。今有小根聞此法門。却嫌繁亂。全不介懷。昔人云。井蛙不能居海。泰山難以處囊。是也。

五無障礙法界觀者

即是四法界所依摠法界觀

謂常觀想一切染淨諸法。舉體全是無障礙法界之心。此能觀智亦想全是法界之心。華嚴經云。知一切法。即心自性。成就慧身。不由他悟。又清涼云。若知觸物皆心。方了心性。今此無障礙法界中。本具三世間四法界。一切染淨諸法。未有一法出此法界。而此法界全此全彼。互無障礙。則知根根塵塵。全是無障礙法界。若於四威儀中常觀根根塵塵。皆是重重無盡。

法界即習普眼之境界也

此觀是一切三昧觀門根本。若常修習。一切三昧觀門自然現前。

上來所說諸多觀門。或樂捨修者。或修一二者。任情皆得。但專切修鍊。一生不剋。三生必圓。又行者須起思想。想得現前。常現不隱。方是華嚴圓教真行。清涼疏主事事無礙十玄門中。多有六句。前五句是起想。修鍊得現前。更不想鍊。雖不想鍊。常現不隱。方成第六行句。法界觀云。深細思之。令現在前。圓明顯現。

稱行境界

圭山禪師釋云。思之令現。為真解也。已現即不更思。雖不更思。而亦常現不隱。方為實行。

又一行禪師云。先須起想想得現前。然後用般若空而淨除之。即成不思議大用。頓入佛果。若不起心觀之。錯會般若意也。縱入空。亦失圓頓之道。圓宗行者。鍊修功至。豁然言亡慮絕。了了分明。方為真行。若得知是四威儀中常見。不思議境界。願修道者。於此留心。奉承如是。但昧之不見。又修心行者。或有諸法。

善惡夢境或逢種種魔障或現種種違順境界或聞
種種善惡之聲或諸蝮蟲蟻身上行走或身心不安
多思多慮或入觀時種種相現不與本觀相應等皆
須觀之如夢如幻全體非實或觀之皆是自家真心
起信論云當念唯心境界則滅終不為惱上來顯教
心要竟

顯密圓通成佛心要集卷上

終

卷之三